



Na osnovu člana 22 Statuta Brčko distrikta BiH («Službeni glasnik Brčko distrikta BiH» broj: 3/07), Skupština Brčko distrikta BiH, na 57. redovnoj sjednici održanoj 31. oktobra 2007. godine, usvaja

ZAKON O IZMJENAMA ZAKONA O VLADI BRČKO DISTRIKTA BiH

Član 1

Član 35 Zakona o Vladi Brčko distrikta BiH («Službeni glasnik Brčko distrikta BiH» broj: 19/07) mijenja se i glasi:

«(Prijelazna novčana naknada po završetku funkcije)

- (1) Na kraju obavljanja funkcije, gradonačelnik i članovi Vlade imaju pravo na prijelaznu novčanu naknadu, pod uslovom da su funkciju obavljali najmanje jednu punu godinu.
- (2) Prijelazna novčana naknada će biti jednakog iznosa kao plaće gradonačelnika i članova Vlade iz člana 33 stavova od 1 do 4 ovog zakona.
- (3) Period isplaćivanja prijelazne novčane naknade će biti tri (3) mjeseca i počinje nakon mjeseca u kojem se funkcija završila. Period isplaćivanja će se nastaviti po jedan mjesec za svaku punu godinu obavljanja funkcije nakon isteka jedne pune godine.
- (4) Ostvarivanje ovog prava će prestati:
 - protekom vremena propisanog stavom 3 ovog člana;
 - na kraju onog mjeseca u kojem je bivši član primio plaću za svoj rad ili je ostvario pravo na penziju.
- (5) U slučaju smrti bivšeg člana Vlade pravo na prijelaznu novčanu naknadu prestaje na kraju mjeseca u toku kojeg je bivši član preminuo.
- (6) Prijelazna novčana naknada podliježe porezu na dohodak.
- (7) Odredbe ovog člana neće se primjenjivati u slučajevima propisanim članovima 27, 28, 29, 30 i 31 ovog zakona.

Član 2

Ovaj zakon stupa na snagu osmog (8.) dana od dana objavljivanja u «Službenom glasniku Brčko distrikta BiH».

Broj: 0-02-022-139/07
Brčko, 31. oktobra 2007. godine

PREDSJEDNIK
SKUPŠTINE BRČKO DISTRIKTA BiH
Prof. dr. Milan Tomić, s.r.